



續資圖

貴陽人定字定	貴陽人定字定	貴陽人定字定	貴陽人定字定	貴陽人定字定
銅仁府屬	銅仁府屬	銅仁府屬	銅仁府屬	銅仁府屬
銅仁府屬	銅仁府屬	銅仁府屬	銅仁府屬	銅仁府屬
銅仁府屬	銅仁府屬	銅仁府屬	銅仁府屬	銅仁府屬
銅仁府屬	銅仁府屬	銅仁府屬	銅仁府屬	銅仁府屬

皇清職貢圖



卷八

貴陽大定等處花苗

以下貴州省

貴陽大定等處花苗婦

銅仁府屬紅苗

銅仁府屬紅苗婦

黎平古州等處黑苗

黎平古州等處黑苗婦

二 16
2242
9

皇清職貢圖 卷八

貴定龍里等處白苗

貴定龍里等處白苗婦

修文鎮寧等處青苗

修文鎮寧等處青苗婦

貴筑龍里等處東苗

貴筑龍里等處東苗婦

平越清平等處西苗

平越清平等處西苗婦

永豐州等處獮苗

永豐州等處獮苗婦

平越黃平等處天苗

平越黃平等處天苗婦

貴筑修文等處蔡家苗

貴筑修文等處蔡家苗婦

貴陽府屬宋家苗

貴陽府屬宋家苗婦

皇清職貢圖 卷八

清平縣九股苗

清平縣九股苗婦

廣順大定等處龍家苗

廣順大定等處龍家苗婦

普定永寧等處馬銜龍家苗

普定永寧等處馬銜龍家苗婦

貴定縣平伐苗

貴定縣平伐苗婦

貴陽安順等處補籠苗

貴陽安順等處補籠苗婦

貴陽安順等處狝家苗

貴陽安順等處狝家苗婦

定番州谷蘭苗

定番州谷蘭苗婦

黎平府羅漢苗

黎平府羅漢苗婦

都勻平越等處紫薑苗

都勻平越等處紫薑苗婦

遵義龍泉等處楊保苗

遵義龍泉等處楊保苗婦

都勻黎平等處獐獍苗

都勻黎平等處獐獍苗婦

廣順州克孟牯羊苗

廣順州克孟牯羊苗婦

大定府威寧州獐獍

大定府威寧州獐獍婦

大定府威寧州黑獐獍

大定府威寧州黑獐獍婦

大定安順等處白獐獍

大定安順等處白獐獍婦

貴州等處犴狍

貴州等處犴狍婦

餘慶施秉等處水犵狫

餘慶施秉等處水犵狫婦

貴定縣剪髮犵狫

貴定縣剪髮犵狫婦

平越黔西等處打牙犵狫

平越黔西等處打牙犵狫婦

平遠州披袍犵狫

平遠州披袍犵狫婦

平遠州鍋圈犵狫

平遠州鍋圈犵狫婦

鎮遠施秉等處犵兒

鎮遠施秉等處犵兒婦

貴定黔西等處木犵

貴定黔西等處木犵婦

荔波縣狝狝狝狝狝

荔波縣狝狝狝狝狝婦

定番州八番

定番州八番婦

大定府屬六額子

大定府屬六額子婦

普安州屬棘人

普安州屬棘人婦

下游各屬峒人

下游各屬峒人婦

貴定縣徭人

貴定縣徭人婦

廣順貴筑等處土人

廣順貴筑等處土人婦

貴定都勻等處蠻人

貴定都勻等處蠻人婦

貴陽火定等處花苗



貴陽大定等處花苗婦



花苗本西南夷亦苗之一種向無土司自明
時隸之貴陽大定遵義等府民苗雜居與編
戶一體輸糧有大頭小花之稱衣以蠟繪花
於布而染之既染去蠟則花紋似錦衣無襟
衽挈領自首以貫于身男以青布裹頭女以
馬尾雜髮編髻大如斗攏以木梳俗以六月
為歲首每歲孟春擇平地為月場男吹蘆笙
女搖鈴盤旋歌舞謂之跳月相悅則共處生

子乃歸夫家其性慙而畏法

銅仁府屬紅苗



銅仁府屬紅苗婦



銅仁府屬紅苗元及明初分置長官司以領之萬歷間銅仁大萬二土司改土歸流設銅

仁縣治

本朝雍正八年平松桃紅苗復移駐同知以資彈壓仍領省溪等八土司歲徵苗糧八十餘石其在坡東坡西者地連黔楚蜀三省山深箐密俱係生苗向頗劫掠為患自勦撫後亦俱斂戢矣苗有石麻田龍等姓衣用自織斑

絲男椎髻約以紅帛女戴紫笠短衣絳裙綠
 以錦垂帶如佩其俗五月寅日夫婦各宿鍵
 戶禁語以避虎俚性悍好鬪婦勸乃解

黎平古州等處黑苗



皇清職貢圖

上

黎平古州等處黑苗婦



黎平等處黑苗宋時設古州八萬軍民總管
府以鎮撫之明洪武初諸洞來朝分置十四
長官司後於其地設黎平府治而古州八寨
丹江一帶向居化外

本朝雍正七八年間開闢苗疆仍留古州等土
司化誨管轄認納苗賦至十三年豁免其人
衣短尚黑女縮長簪垂大環衣裙緣以色錦
皆跣足陟巉巖捷如猿猱頗勤耕織寒無重

衣夜無卧具食惟糯稻炊熟以手搏食藏肉
甕中以腐臭為佳女嫁三日仍回母家向壻
索頭錢不與則另嫁以臘月辰日為歲首每
週一紀以牡牛祭神謂之喫牯臟

貴定龍等處白苗



貴定龍里等處白苗婦



白苗亦西南夷之一種其族類不可考歷代
並無土司管轄明時始列版圖貴定龍里黔
西等縣皆有之民苗雜居一體輸賦男科頭
赤足婦女盤髻長簪衣尚白短僅及膝歲以
牯牛祀祖惟主祭者衣青先期擇牲者與各
寨牛合鬪勝即為吉跳月之習與花苗同性
顛厲轉徙不恒

貴定龍里等處白苗



皇清職貢圖 卷八

貴定龍里等處白苗婦



青苗亦西南夷之一種向無土司管轄修文
 鎮寧黔西等縣皆有之明代始列版籍與民
 人雜居一體計田輸稅其人衣尚青出入必
 佩刀攜弩婦人以青布蒙首綴以珠石短衣
 短裙性雖悍而知畏法不敢為盜在平遠者
 名箐苗不善治田惟種菽麥稊稗衣麻衣皆
 自織男未婚者剪腦後髮娶乃蓄之

貴筑龍里等處東苗



貴筑龍里等處東苗婦



貴筑龍里等處東苗元時設貴筑等長官司

轄之明初改土歸流置貴筑清平等縣

本朝康熙年間復設龍里縣仍領羊腸大小谷

龍三土司其人有族無姓以花巾束髮衣衫

短不及膝婦人多服花布帔肩繫細褶短裙

中秋日以牡牛祀祖集親屬延巫師循序而

呼鬼之名竟晝夜乃已春獵獲禽必以祭跳

月與花苗同畏見官長事有不平聽鄉老決

之急公服役比於良民

平越清平等處西苗



平越清平等處西苗婦



西苗之名所以別乎東苗也在平越清平等處唐時為金筑安撫司所屬明洪武時改為揚義長官司有謝馬何羅雷盧等姓衣尚青性質實畏法少爭訟俗以十月收穫後每寨出牡牛三五隻延善歌祝者著氊衣大帽履草靴前導男婦悉青衣綵帶吹笙蹈舞隨之歷三晝夜乃殺牛以祀名曰祭白號除夕置酒呼老幼姓名謂之叫魂

永豐州等處獯苗



永豐州等處猯苗婦



猯苗本廣西泗城土府所屬

本朝雍正五年改土歸流以其地設永豐州分
隸黔省蓋即廣西西隆州土人之類也其男
子俱薙髮衣服與漢人同婦人短衣長裙首
蒙青花巾勤於耕織歲輸苗賦頗遵禮法

平越黃平等處天苗



平越黃平等處天苗婦



天苗多姬姓相傳為周後向無土司管轄明
時隸平越黃平等府州民苗雜居一體計田
輸賦衣尚青左衽女工紡織善染以十一月
為歲首其性柔順勤儉安貧近亦讀書應試
其居陳蒙爛土天壩者緝木葉為衣繫以短
裙婚姻以野合而成尚沿陋習

貴筑修文等處蔡家苗



貴筑修文等處蔡家苗婦



蔡家苗本春秋蔡人之裔蔡為楚子蠶食俘
 其民而放之南徼遂流為夷向無土司管轄
 明時隸貴筑修文清平清鎮威寧大定平遠
 等州縣民苗雜居一體計田輸賦男子以氈
 為衣婦人髻高尺許用長簪綰之短衣長裙
 翁婦不通言頗異苗俗

貴陽府屬宋家苗



貴陽屬宋家苗婦



宋家苗本春秋宋人之裔其先亦為楚子所
俘流為南夷向無土司管轄明時隸貴陽府
民苗雜居一體計田輸賦男子帽而長襟婦
人笄而短襟女嫁時夫家遣人往迎母家率
衆箠楚之謂之奪袍頗通漢語勤耕織知禮
法有讀書入泮者

清平縣九股苗



清平縣九股苗婦



清平縣屬凱里地方之九股苗本南夷種後漢諸葛亮南征悉勦除之僅存九人其後蔓延遂名九股先屬播州之安寧安撫司

本朝康熙四十一年改土歸流隸清平縣男女習俗服食與黑苗同而性尤剽悍以鎧甲為常服自膝以下用鐵片纏裹左執木牌右持標桿口銜利刃捷走如飛又善造強弩能貫重鎧雍正十年出肆劫掠經官兵勦撫遂搜

繳兵甲建城安汛同於內地

廣順大定等處龍家苗



廣順大定等處龍家苗婦



龍家苗宋時為烏撒部在廣順者明初設安撫司以轄之後於其地置廣順州在大定平遠者元明俱授其酋為宣慰使

本朝康熙三年改土歸流置大定平遠二府州民苗一體計田輸賦男束髮不冠女螺髻上指若狗耳狀故亦有狗耳之名衣綴五色藥珠貧則以蕙苾代之春日立竿於野男女遠竿擇配謂之跳鬼竿女得所悅則奔之其親

黨以牛馬贖回始通媒妁善入水捕魚如獺

然

普定永寧等處馬鐙龍家苗



皇清職貢圖

普定永寧等處馬鐙龍家苗婦



馬鐙龍家苗在普定永寧等處元明時屬西
堡等六長官司管轄置普定衛永寧州領之
本朝改衛為縣革西堡寧谷二土司餘仍分領
如故其人多張劉趙姓衣尚白男子束髮婦
人以緇布製冠若馬鐙然故以為名性淳樸
勤耕作急公輸稅與良民埒

貴定縣平伐苗



貴定縣平伐苗婦



平伐苗在貴定縣明初置新添衛領平伐等
六長官司後又設貴定縣

本朝康熙雍正年間裁衛併縣革去丹平把平
二土司仍留平伐等四土司男子披草衣女
繫長裙婚姻及享賓皆屠狗性喜鬪出入必
持鎗棒近皆馴服力田輸稅與齊民一體

貴陽安順等處補籠苗



貴陽安順等處補籠苗婦



補籠苗五代時楚王馬殷率邕管柳州兵討
 兩江溪口至黔留戍其後遂流為夷散處於
 貴陽安順南籠平越都勻等處宋時為普里
 于矢等部元明以後各置土司分轄先後設
 貴陽等府治

本朝雍正年間改土歸流以南籠廳為南籠府
 并仍領各土司苗人衣尚青以帕束首女青
 布蒙髻長裙細摺多至二十餘幅歲首男女

相聚擊銅鼓吹蘆笙唱歌為樂畜蠶名金蠶
 以毒藥染箭鏃出入恒持強弩利刃睚眦必
 報近皆寧戢與齊民一體輸賦其子弟有讀
 書識字者

貴陽安順等處仲家苗



貴陽安順等處狝家苗婦



狝家苗亦五代戍兵之後貴陽安順南籠平
越都勻等五郡皆有之其部落沿革均與補
籠苗同蓋別以氏族稱之者服飾亦俱相似
每歲孟春編五色布為小球男女跳舞視所
歡擲之奔者不禁聘用牛視妍醜為多寡有
至三五十頭者祭尚枯魚歲時擊銅鼓或掘
地得之即以為諸葛所遺富者重價以購其
輸賦亦與齊民一體

定番刺谷舖



定番州谷蘭苗婦



谷蘭苗在定番州明時始設州治以程番等
十七長官司屬之

本朝康熙雍正年間先後革去太華等三長官
司改土歸流仍領程番等十四長官司男女
皆短衣男性剽悍善擊刺出入必持鎗弩諸
苗皆畏之近頗寧戢婦以青布蒙髻勤紡織
其布最為細密有谷蘭布之名人多爭購每
歲認納苗賦三十餘兩

黎平府羅漢苗



黎平府羅漢苗婦



羅漢苗在黎平府屬其部落沿革俱與黑苗相同苗有不留髭鬚而謂之羅漢者故即以此為名蓋同類而異稱也衣尚黑男未室則插羽於首遠者為生苗短衣挾刀弩性悍喜鬪婦人散髮縮插木梳數日必以水沃之以金銀作連環飾耳衣以雙帶結背長裋短裙或止繫長裙垂繡帶一幅曰衣尾能養蠶織錦歲輸苗賦一百餘兩

都勻平越等處紫薑苗



皇清職貢圖 卷八
都勻平越等處紫薑苗婦



紫薑苗都勻平越黃平清平丹江皆有之在
都勻平越黃平清平者舊設司平等長官司
本朝康熙雍正年間先後改土歸流仍領邦水
等土司在丹江者明以前係化外生苗雍正
八年新闢苗疆置丹江通判駐之其人衣尚
黑色男女俱椎髻纏以黑布男子肩披鐵鎧
佩刀負鎗輕生好鬪得仇人輒生啖其肉以
十一月為歲首至期閉戶持忌七日而後啟

惟平越黃平諸苗近頗向化能通漢語亦有
讀書應試者田賦亦與民一體輸納

遵義龍泉等處楊保苗



遵義龍泉等處楊保苗婦



楊保苗係播州楊氏之裔在遵義者元時為

播州安撫司明初授為宣慰司尋改遵義府

治本隸四川

本朝雍正五年始改隸黔省在龍泉者元時屬

思州安撫司明永樂間分置龍泉坪長官司

後改為縣仍設土縣丞等官

本朝康熙初改土歸流其人衣尚青以青布蒙

首婦綰髻向前衣短衣繫細摺長裙緣以錦

繡與民雜處婚姻葬祭頗同漢人惟性怯而
狡官追攝多不肯即出田賦亦與民一體輸

納

都勻黎平等處拜擴怡



都勻黎平等處狉獍苗婦



狉獍苗都勻黎平黃平龍泉龍里石阡施秉
 餘慶等處皆有之元明時與補籠羅漢紫薑
 楊保等苗同一土司管轄其部落沿革亦同
 蓋亦諸苗中之同類而異名者苗種最繁衣
 尚青婦椎髻以藍布纏之繫絲錦細摺裙其
 俗荆壁不塗門戶不扃出入以泥封之男子
 計口而耕女子度身而織暇則以漁獵為事
 婚葬與漢人同在黎平者認納田賦餘亦與

民一體計田輸稅

廣順州克孟牯羊苗



廣順州克孟牯羊苗婦



克孟牯羊苗蓋亦苗之一種在廣順州深山
 中明時與龍家等苗同屬金筑安撫司後改
 建州治遂隸版圖苗人懸崖鑿竅而居構竹
 梯上下高者百仞男青衣椎髻女盤髻短裙
 耕不挽犁以錢鏹發土耨而不耘婚以躡笙
 而偶生子至免乳始納聘財應輸田糧與民
 一體完納

大定府威寧州猓



大清職貢圖 卷八
大定府威寧州猓羅婦



猓羅在威寧州之水西蜀漢時有濟火者從
諸葛亮破孟獲有功封羅甸國王其後為安
氏元明內附授宣慰使

本朝康熙初改土歸流置威寧州治領偏橋正
副二長官司仍以安氏世襲其正妻曰耐德
嗣子如幼不能主事耐德即為女官男青布
纏頭短衣大袖女辮髮亦纏以青布銀花貼
額耳垂大環拽長裙三十餘幅性悍喜鬪俗

尚鬼又名羅鬼有黑白二種別有文字曰鬼
字夷民一體輸稅土產馬

大定石威寧州黑獠儼



皇清職貢圖 卷八

五十四

大定府威寧州黑獮羅婦



黑獮羅在威寧州水西等處即係獮羅同類
宋時為烏撒部元明屬水西宣慰使其人深
目黥鼻長軀黑面薙髭而留髯以青布纏頭
衣尚黑短衫大神女繫細摺長裙其性愚而
重信喜畜馬好馳騁習鎗弩以射獵為事歸
流以來夷民一體計田輸賦

大定安順等處白猓獠



大定安順等處白猓羅婦



白猓羅與黑猓羅同類又名白蠻惟黑為大
姓白為下姓不與通婚大定安順永寧普定
等處皆有之在大定者宋時與黑猓羅並為
烏撒部其沿革亦同在安順者宋時為普里
部明初始置安順府治在永寧普定者明時
各設長官司

本朝康熙初改土歸流仍以土司轄之男女衣
尚白纏頭亦俱以白布飲食無盤盂置物三

足釜中男女聚而啖之居普定者為阿和以
販茶為業應輸糧賦悉按期完納

貴州等處狉狉



貴州等處犵狫婦



犵狫係西南夷黔中所在多有之向無土司
明始歸流分隸各州縣其種類亦不一男女
以幅布圍腰旁無襜積謂之桶裙花布曰花
犵狫紅布曰紅犵狫各為一族不通婚姻屋
宇去地數尺架以巨木上覆杉葉如羊柵謂
之羊樓與民雜處一體計田輸賦

餘慶施秉等處水犵狁



皇清職貢圖 卷八
餘慶施秉等處水獐獐婦



水獐獐亦係西南夷在餘慶施秉鎮遠等處
元及明初分設各土司管轄後改土歸流增
置郡縣仍領土司其人善捕魚雖隆冬亦能
入淵故以為名性淳謹勤耕作風俗與民間
相似男子衣服亦與民無異惟婦人喜服細
摺錦邊裙猶沿苗俗民夷雜處一體計田輸
賦

貴定縣剪髮犵狁



貴定縣剪髮犵狁婦



前剪髮犵狁亦苗人中的一種在貴定縣明時
與平伐諸苗同領於土司

本朝雍正五年亦同時改土歸流男女挽髻於
頂蓄髮寸許四垂長則剪之故名剪髮犵狁
習俗鄙儉勤于耕織輸賦同齊民

平越黔西等處打牙挖猪



平越黔西等處打牙斡佬婦



打牙斡佬在平越黔西等處元明時並屬於土司

本朝康熙初改土歸流男藍布纏頭披牛毛氅
衣女織青羊皮為長桶裙緣以層錦將嫁必
先折其二齒恐妨夫家所謂鑿齒之民也又
剪前髮而披後髮取齊眉之意習俗鄙儉
田輸稅頗知畏法

平遠州披袍犵狁



皇清職貢圖 卷八

平遠州披袍犵狓婦



披袍犵狓亦苗夷之一類宋時並為烏撒蠻部元明亦俱領於土司

本朝康熙初置平遠州流官遂隸版圖俗衣短衣外披無袖袍前短後長故謂之披袍犵狓女衣領間綴海巴累累以為飾裙以五色羊皮織成性淳謹勤耕作時操爐具鑄犁鋤以為生

平定州錫圍於狝



平遠州鍋圈犵狫婦



鍋圈犵狫亦在平遠州與披袍犵狫同類而
 異名俗嗜酒惰於耕作男以葛織斜文為衣
 婦以青布束髮如鍋圈狀短衣長裙病則延
 鬼師用虎頭一具縈以色絲置箕內禱之

鎮遠施秉等處犴甸



皇清職貢圖 卷八
鎮遠施秉等處犵兒婦



犵兒亦犵狫之一類鎮遠施秉黃平等處皆有之與狻獠諸苗雜處其部落沿革亦同好居高坡不為藩籬性嗜酒時佩刀弩入山以捕獵為事計田輸稅同於齊民

虫貞定黔西等處朱猪



皇清職貢圖

貴定黔西等處木狻婦



木狻與剪髮犵狻同領於平伐等土司其部
落沿革並同於平伐諸苗蓋以族類而異其
稱者男以青布纏首女偏髻短衣裙僅覆膝
娶婦異寢生子後乃同室孟冬縛草龍插五
色紙旗以祀鬼其在都勻清平者風俗服食
俱類漢人有讀書為諸生者

荔波縣狝狝於狢猺獐



荔波縣獠狔狔猺獞婦



荔波縣夷人有狔狔狔猺獞六種雜居並
為一類元時同屬南丹安撫司明初改土歸
流置荔波縣隸廣西省

本朝雍正十年改隸黔省其衣服言語嗜好相
同歲時祀槃瓠雜魚肉酒飯男女連袂而舞
相悅者負之而去遂婚媾焉

定番州八番



定番州八番婦



八番者以元時有程番龍番方番金石番盧
番羅番韋番洪番等八長官司故以為名散
處於定番州地方其部落沿革與定番州之
谷蘭苗同男女衣服類漢人女勞男逸日出
而耕暮歸而織剡木作臼曰碓塘臨炊始取
稻舂之以寅午日為市以十月望日為歲首
宴會擊長腰鼓為樂與編民一體輸賦

大定府屬六額子



大定府屬六額子婦



六額子在大定府屬宋時與龍家苗及猓
同為烏撒部歷代沿革亦同風俗與龍家苗
相似其人有黑白二種則又類於猓男子
首縮尖髻婦人衣至足自歸流以來耕田輸
賦與齊民無異

普安州屬契人



普安州屬夔人婦



夔人在唐為于矢部兀屬普安安撫司明置
普安州仍以土州同領之

本朝康熙四十一年改土歸流男女皆披羶衣
垢不沐浴以六月二十四日為歲首朔望日
不乞火性淳好佛持誦梵呪凡猓獮犵狝
家苗言語有不通者常以夔人傳之

下游各屬峒人



下游各屬峒人婦



峒人亦西南土火之一種散處下游各屬山谷
中向未設有土司明時始隸郡縣冬採茅花
裝衣以禦寒飲食避鹽醬性多忌夫婦出入
必偶能織峒錦

貴定縣獠人



貴定縣徭人婦



徭人其種類與楚粵諸徭同雍正二年自粵
 西遷至歸貴定縣之平伐土司管轄居無常
 所多擇溪水邊男女衣尚青長不過膝歲時
 祀槃瓠為祖勤耕種頗知醫暇則入山採藥
 有書名榜簿皆圓印篆文其義不可解珍為
 秘寶

廣順貴筑等處土人



廣順貴筑等處土人婦



廣順貴筑貴定等處東西龍家平伐補籠狎
 家諸苗以類聚處土人蓋亦苗之一類也男
 子以貿易為生婦人則勤於耕作每種植時
 田歌互答清越可聽歲首迎山魘以一人戎
 服假面衆吹笙擊鼓以導之蓋亦古大儺之
 意其起居服食俱有華風計畝而稅同于編
 戶

貴定都勻等處蠻人



貴定都勻等處蠻人

貴定都勻等處蠻人婦



蠻人為西南蠻夷之裔舊亦與諸苗同隸於
 平伐等土司歸流以來歲輸正供齊于編氓
 男子披蓑衣婦人繫花裙俗以十月朔為大
 節必殺牛祭鬼性喜漁獵恒佩刀弩貴定都
 勻等處皆有之又石阡有冉家蠻者俗類相
 同

